



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CLXIV. De Destructione Castri Wecrize & alterius propugnaculi.

**urn:nbn:de:hbz:466:1-11850**

CHRONICI PRUSSIAE.

Hanno de Sangerhausen VII. Mag. Gen. Ord. Teut.

Conradus à Tierberg Senior IX. Mag. Prov. in Prussia.

CAP. CLXIII.

De

*Bello Fratrum & Civium de Elbingo  
infra secundam Apostasiam, & de quibusdam  
fidelibus Pogesanis, qui fratribus adhae-  
serunt.*

**D**um surgeret secundæ apostasiæ persecutio, quidam de Pogesania Nobiles, licet pauci, non ingrati beneficiis sibi à Magistro & fratribus exhibitis, relicta hereditate paternâ cum omni domo & familia venientes Elbingum fratribus fideliter adhaerunt.

CAP. CLXIV.

De

*Destructione Castri Weerize & alterius propugnaculi.*

**P**ogesani cum Sudovvitis & aliis gentibus de Pruschia congregato Exercito valido circumiverunt Pogesaniem, & Pomesaniam in principio secundæ Apostasiæ, & quotquot ibi Christianos invenerunt captis mulieribus & parvulis occiderunt. Deindè procedentes, Castrum Elbingense impugnaverunt, & adeo infesti fuerunt, quod utique suburbium expugnassent, si non quidam, dictus Wirtel, Capitaneum ipsorum cum lanceâ transfixisset. Quo mortuo turbati recesserunt usque ad (a) propugnaculum quoddam, situm inter fluvium Rogovv & (b) Wesecam flumen, in eo loco ubi Weseca intrat stagnum  
Dru-

Drufine. Et post modicam impugnationem incendio destruxerunt, captis omnibus & occisis præter eos qui navigio per Drufinam evaserunt: Posthæc cum viderent sibi omnia ad votum succedere, accedentes ad Castrum (c) Wecrize situm supra Rogovv fluvium, ipsum post longam & duram impugnationem & obsessorum virilem defensionem tandem in cinerem redegerunt, captis omnibus & occisis.

## ANIMADVERSIONES.

- (a) Propugnaculum illud appellat Jeroschinus *Dziet*.  
 (b) *Weisse* habet Jeroschinus. *Wesete* notissimus est iis in locis fluvius.  
 (c) Apud Jeroschinum appellatur *Wentlis* / & postea *Wetlis*. In Conditionibus pacis perpetuæ inter Casimirum Regem Poloniae & Ludovicum ab Erlichshausen Anno 1466. constitutis, appellatur *Weklicz* quod nomen & hodie retinet. Vid. Privilegia Pruss. Ducal. fol. 21. b. Nunc est pagus Elbingensis ditionis ex Privilegio Regis Casimiri 1454.

## CAP. CLXV.

De

*Expugnatione molendini Liefardi & morte plurium Civium de Elbingo.*

ANNO Domini MCCLXXIII. Cum jam Sambitæ, Nactangi, Barthi & Warmienses fatigati laboribus & expensis se fidei & fratribus subdidissent, Pogesani adhuc in pertinacia sua permanentes, congregatum Exercitum suum circa Elbingum in quoddam nemus locaverunt, de quo (a) pauci equites exeuntes ante civitatem Elbingensem se ostentaverunt, quos Cives de Elbingo, qui continue circa se habebant arma reposita, sequentes, aliquos interfecerunt. Sed dum se cives sic sequendo ni-  
 mis